

黃犢時人號爲犢子時壯時老時醜時美未  
往陽都酒家都女悅遂相奉侍一旦女隨犢  
子出取桃一宿而反得桃甚多連覓其美異  
於常桃邑人伺其去時旣出門二人共牽犢  
耳而走其速如飛人不能追也如是且還復  
在市中數十年夫婦俱去後有見在潘山之  
下冬賣桃果焉文選賦云犢配履連是也

杜蘭香

杜蘭香者不知何許人也有漁父者於湘江  
洞庭投綸自給一旦於洞庭之岬聞兒啼哭

聲四顧無人惟三歲女子在於岸側漁父憐  
而舉之還家養育十餘歲天姿竒偉靈顏妹  
登迨夫人也忽有青童靈人自空玄而下來  
集其家携女而去臨昇天謂其父曰我仙女  
杜蘭香也有過謫于人間玄期有限今將去  
矣於是凌空而去自後時亦還家其後於洞  
庭包山降張碩家碩蓋修道者也蘭香降之  
三年授以舉形飛化之道碩亦得仙初降時  
留玉簡玉唾孟紅文浣布以爲登真之信焉  
又一夕命侍女齎黃鱗羽帔絳履玄冠鶴氅